

„bindki“ wokoło čola a při spowědžach kleprate kapy abo čěpcy. Wšo to je zašlo. Tola serbske žony nětčiša ćělowa žona hišće z bělej načolnej bindku a čěpcom do kašća kładže, hdyž jej w zawostajenstwje namaka.

### XIX. (16.) Poršiska wosada.

Wsy: 1) Poršicy (Purschwitz, w star. lisć. Porsitz), z Nowymi Poršicami (Neu-Purschwitz), 2) Krakecy (Kreckwitz), 3) Konjegy (Canitz-Christina, lisć. Canabitz-Cristana), 4) Kumšicy (Kumschütz), 5) Lětoń (Litten, w lisć. tež Gerschore), 6) Bošecy (Baschütz, lisć. Boschitz), 7) Kubšicy (Kubschütz, wjes běše w 16. lětst. na khwilu němske pomjenjowanje „Wilmsdorf“ dostała).

Cyrkej: Němska Boža služba je kóždy druhu njedzelu a to po serbskej. Je pak němska spowědž, tehdy je tež němske kemšenje prjedy serbskeho (přir. Mały Budyšink).

Fararjo: 17) Bjedrich Rudolf Pětřik (Petschke) z Křišowa 1765, † tu 1798; 18) Jan Bjedrich Mička, \* 1757 w Kupoj, 1779 farań w Jězorje p. Nizkeje, 1782 w Rychwałdze, 1797 substitut w Poršicach, 1799 farań tu, † tu 1825; 19) Bjedr. Wyl. Mička, syn prjedorownika 1827—40, hl. Budyšin Michał. diak. 1814; 20) Hendrich Aug. Krygań 1840—58, hl. Klukš diak. 1831; 21) Herm. Jul. Trautmann, wot 1858 — dotal, hl. Budyšin Mich. diak. 1854.

Šula: 1) Cyrkwinska w Poršicach: zašul. wsy 1—5; džěći 168; wuč. wobaj rodž. Serbaj. — 2) Pódlanska šula w Bošecach: zašul. wsy 6, 7 a z Budyšskeje serbskeje (Michałskeje) wosady Jenkecy a Cyžecy, džěći 130; wučer Serb. Džěći su we woběmaj nimale wšitke serbske. W tymaj šulomaj je so z časami khětro němcowalo; kak tam nětko je, njemóžachmy zhonić.

Wučerjo: W Poršicach: 1) Kantor Ernst Eduard Rothenburg, wot 1850, \* 3. dec. 1826 w Přiwćicach, 1844 vikar w Psowjach, 1848 statny wučer w Jitku; 2) druhi wučer Jan Aug. Tempel, wot 1879, \* 9. dec. 1852 w Zahorju, vikar 1875 w Nowej Wsy, 1876 w Komorowje p. Rakec., 1878 w Poršicach. — W Bošecach: Karl Aug. Wrobel, wot 1858, \* 2. nov. 1826 w Nadžanecach, 1857 wučer w Bělej p. Kam.

Wobydleństwo: Wosada je cyle serbska, sam ryčerkubleń z Döring nad Poršicami a jeho přiwuzni móža a rěča derje serbski; ludži, kiž serbscy njemóža a njerěča, je lědma 10 a éi su